

Asocijacija Radio Amatera u BiH
P.O.Box 61
BIH-71000 Sarajevo

Zenica, 15.12.2009.g

Na proširenoj sjednici UO,NO i Sekretara ARABiH, održanoj u subotu 12.12.2009.godine u Zenici, prisustvovali su :

UPRAVNI ODBOR ARA BiH

Prezime	Ime	Pozivni znak	Opaska
Alimanović	Aljo	E74CN	
Bajraktarević	Sead	E74NL	Zastupan po Zijadu Jukiću
Džuzdanović	Muhamed	E74Y	
Gadžo	Edin	E74A	
Ismić	Zijad	E77CY	ODSUTAN
Jaganjac	Amir	E75O	
Kličić	Fikret	E74FK	
Mehić	Besim	E72A	
Rusman	Darko	E70A	Zastupan po Muji Fočaku
Vasić	Maja	E75YL	

NADZORNI ODBOR ARA BiH

Kuljić	Milan	E73KM	
Menges	Dejan	E73U	Zastupan po Tomi Muratu
Murat	Tomo	T92T	

SEKRETAR

Stanić	Dalibor	E79D	ODSUTAN
--------	---------	------	---------

Drugi prisutni: Meho Mlivo, Luka Makivić

Prihvaćene su predložene tačke Dnevnog reda. Na osnovu diskusija i zaključaka provedenih po tačkama dnevnog reda sačinjava se

ZAPISNIK SA SJEDNICE UO, NO I SEKRETARA
ODRŽANOJ U ZENICI 12.12.2009.GODINE

Tačka 1. Informacija o pregovorima o formiranju "krovne organizacije radioamatera u BiH" i razlozima neuspjeha istih.

Izjavitelji: Predsjednik i Sekretar, kao članovi pregovaračkog tima.

Predsjednik je u svojstvu člana Komisije za razgovore o formiranju "krovne organizacije radioamatera BiH" izvijestio članove UO i NO o razlozima neuspjeha pregovora o formiranju Krovne organizacije. Komisije sva tri saveza pregovarača su zaključile da su stavovi pregovarača u ovom trenutku suviše oprečni da bi bilo moguće pronaći rješenje i pristupiti formiranju "krovne" organizacije.

Istaknuto je da je postignut visok stepen podudarnosti stavova ZRHB i ARABiH, ali se, nazalost, ti stavovi nisu poklapali sa stavovima SRRS. Tokom pregovora sve tri strane su nalazile zajedničke stavove po mnogim pitanjima, no to nije bilo dovoljno za finaliziranje sporazuma, najviše iz razloga nemogućnosti postizanja dogovora oko imena organizacije (ARABiH je insistirala na imenu koje bi simboliziralo jedinstvo SVIH radioamatera u BiH, dok je SRRS zahtijevala da se u imenu organizacije eksplicitno naznači da je riječ o savezu saveza, a nikako savezu svih radioamatera u BiH). Prijedlog ZRHB da se organizacija nazove Radioamatreski Savez Bosne i Hercegovine naišla je na podršku ARABiH, ali ne i SRRS. Drugi razlozi neslaganja su bili u pravu pojedinaca da se priključe "krovnoj" organizaciji (ARABiH i ZRHB za, SRRS uz veoma teške uvjete) i u broju članova koje bi trebala imati udruženja koja bi se odlučila direktno priključiti "krovnoj" organizaciji. Aritmetički model koji je predložila ARABiH i koji je, po našem mišljenju, bio veoma realan nije prihvaćen. Zahtjevi za brojem članove kandidata pravnog lica (npr. Radio klub) bili su od strane SRRS nerealni (iznad 100 članova. Tesko je vjerovati da toliko članova ima i jedna organizacija radioamatera u BiH ne racunajući saveze). Smatrano je da bi prihvatanje ovakve odluke praktično onemogućilo potencijalne kandidate u namjeri da uzmu učešća u radu i odlučivanju unutar novoformirane "krovne" organizacije.

Zaključak:

Ne zatvarati vrata pregovorima o formiranju "krovne" organizacije radioamatera BiH, pa sazivu naredne Izborne Skupštine ARABiH predložiti ponovno biranje Komisije u drugom sastavu, kojoj bi bio zadatak nastaviti pregovore u trenutku kada se za to steknu uvjeti, tj. kada se i ako se i partneri u razgovorima ZRHB i SRRS odluče iste nastaviti.

Zadužuje se Predsjednik ARABiH da sastavi kompletnu informaciju o toku pregovora i da je, nakon prihvatanja od strane UO, prevedenu na engleski jezik dostavi članicama IARU i Sekretarijatu IARU. Uz informaciju dodati i "Pismo namjere" po kojemu ARABiH svim radioamaterima BiH, bez obzira na to da li su njeni članovi ili ne, kroz pravo svoga članstva, ostavlja mogućnost učešća na svim takmičenjima i manifestacijama u organizaciji IARU, kao i pravo korištenja QSL servisa. Ova informacija biće publicirana i na internet stranici www.arabih.net

Tačka 2. Informacija o završenim aktivnostima Friedrichshafen, ZRF, HQ, Emergency.

Predsjednik je dao kraću informaciju o učešću naše organizacije na susretima radioamatera u Friedrichshafenu, Zagreb Radio Festu (ZRF), IARU HQ takmičenju i akciji Emergency.

Na susretima u Friedrichshafenu imali smo priliku učesnicima i savezima drugih država uručiti veliku količinu QSL karata, čime su ušteđena značajna finansijska sredstva koja bi bila potrebno izdvojiti za poštarinu, kao i donijeti veliki broj QSL karata za BiH radio amatere.

Još jednom tradicionalni susreti na ZRF. Bio je prisutan i ne mali broj BiH radioamatera. Podijeljen je izvjestan broj knjiga "Etike". Akcija "Emergency" (SOS) u organizaciji IARU R1 i ove godine je u ime ARABiH urađena u organizaciji članova E71ALM i bila je vrlo uspješna. U takmičenju HQ učestvovao je tim E7HQ sastavljen od radioamatera iz cijele BiH, te gostiju iz Srbije, Hrvatske i Slovenije. Veliki rad i trud cijele ekipe rezultirao je ponovno visokim plasmanom na 10.mjesto u svjetskom poretku, uz čitav niz peripetija posebice sa pokušajem SRRS da u RAK spriječi izdavanje pozivnog znaka E7HQ sa obrazloženjem da je to njihov način neslaganja sa stanjem i radioamaterskim odnosima u BiH. Znak E7HQ dobiven je kakvih 30-ak minuta prije početka takmičenja. U razrješavanju ove nemile situacije nesebično nam je pomogao ZRHB na čelu sa g.Mirom Nikše. Na učešće u takmičenju pozvani su i partnerski savezi i spremni pojedinci sa teritorije cijele države. Dobronamjernost i želju za dogovaranjem izraženu u sporazumu sačinjenom u Banjaluci SRRS je, na žalost, pokušao iskoristiti kao instrument za blokadu radioamaterske aktivnosti drugih. Takmičenje se ipak održalo. Radili su mnogi iz cijele zemlje kao jedan i uspjeh nije izostao. ARABiH je odlučila i ove godine poduprijeti rad HQ tima sa po 100 KM po radnoj stanici (12 stanica).

Zaključak:

Poduzeti odgovarajuće mjere da do problema rada po osnovu članstva u IARU više ne dolazi.

Tačka 3. Informacija o dosadašnjim ARG aktivnostima.

Izvjestitelj: Maja Vasić i Muhamed Džuzdanović

Maja Vasić (član WG ARDF IARU R1) i ARG manager Muhamed Džuzdanović, dali su kratku informaciju o dosadašnjim domaćim i međunarodnim ARG takmičenjima. Na međunarodnom planu naši takmičari uzeli su učešća na Balkanskom šampionatu u Leskovcu i Rumuniji. Na evropsko prvenstvo u ARG, koje se održalo u Bugarskoj, stjecajem nesretnih okolnosti, na žalost nismo uzeli učešća.

Tačka 4. Promjena IARU ARG propozicija.

Izvjestitelj: Maja Vasić

Došlo je do izmjene propozicija IARU ARG takmičenja, Na prijedlog da se napravi prevod propozicija na naš jezik, Maja Vasić nas je informirala da je to u toku i da će uskoro biti dostupno na stranici www.arabih.net.

Tačka 5. i 7. Stav i kriterij izbora učesnika za nastupajuće Svjetsko IARU prvenstvo u Opatiji. Mogućnosti odlaska ARABiH ekipe na to takmičenje.

Izvjestitelj: Maja Vasić i Muhamed Džuzdanović

Pokreću se konsultacije na odabiru kandidata koji bi mogli uzeti učešća na svjetskom prvenstvu u ARG, koje se 2010. održava u Opatiji, Hrvatska. O svemu će biti obaviješteni i partnerski savezi i ponuđeno učešće u realizaciji. Po odabiru kandidata pristupiće se traženju donatora i sponzora za slanje takmičara na ovo takmičenje.

Tačka 6. Postoji inicijativa da se provede kurs, koji bi imao za cilj obučiti instruktore ARG-a.

Izvjestitelj i predlagač: Sejad Bajraktarević

Muhamed Džuzdanović je izvjestio da je obavio razgovor sa g.Sejadom Bajraktarevićem u vezi njegove inicijative za održavanje seminara o ARG-u u Mostaru. Kao organizator pojavio bi se Sejad Bajraktarević, a kao predavač Muhamed Džuzdanović

Zaključak:

ARABiH će uputiti pismo podrške akciji i obezbijediti izdavanje uvjerenja o pohađanju tečaja obuke za radioamaterskog goniometristu, učesnicima tečaja. Ocijenjeno je da tečaj treba da bude tečaj za radioamaterskog goniometristu, a ne za instruktora ARG-a s obzirom na to da zvanje instruktora ARG-a do sada nije bilo u praksi i da se učitelji i instruktori u osnovi regrutiraju iz redova renomiranih i iskusnih radiogoniometrista.

Tačka 8. Informacija o prometu QSL karata.

Izvjestitelj: Dalibor Stanić

Za potrebe sastanka Predsjednik je tražio kratku informaciju od QSL servisa. Izvještaj dolaznog QSL servisa kaže da je u periodu od 01.07.2009.-30.11.2009.godine Kancelariji isporučeno 40,018 kg QSL karata. Izvještaj odlaznog QSL servisa, na žalost, u vrijeme sastanka još nije bio raspoloživ. Kancelarija je vodila tačnu evidenciju težine primljenih i poslatih karata, pa će zbirni izvještaj biti dostavljen tokom januara 2010.godine.

Tačka 9. i 11. Informacija o zahtjevu za razrješavanje problema na repetitoru R4-Hajrulahović Brdo,Cazin.

Dopis upućen ARABiH od strane SRA USK koji tretira problematiku rada repetitora R4 i problem neadekvatnog ponašanja pojedinca, proslijeđen je Disciplinskoj komisiji i nalazi se u postupku. Vezano za i uz rad ovog repetitora postoji i službeni dopis ZRS-a u kojemu se traži rješavanje problema smetnji na relaciji R4 repetitora u Sloveniji, Hrvatskoj i BiH.

Zaključak:

Po zaključku DK, ARABiH će poduzeti odgovarajuće mjere vezane uz ovaj slučaj. Nakon definiranja uzroka smetnji na R4 u Sloveniji, na inicijativu SRA USK, ARABiH će napraviti službeni odgovor na dopis ZRS-a.

Tačka 10. Informacija o statusu časopisa. Časopis je prestao da izlazi.

Izvjestitelj: Amir Jaganjac

Časopis "Radio T9" je prestao da izlazi i bez šire aktivnosti na obezbjeđenju sredstava za njegovo izlaženje to neće biti moguće. Do sljedeće Skupštine UO će pokušati da obavi konsultacije sa potencijalno zainteresiranim za nastavak štampe časopisa i Skupštini predložiti eventualne mogućnosti.

Prijedlog:

S obzirom na to da je neizvjesno kada će i u kojoj formi časopis nastaviti da izlazi, usvaja se prijedlog da se izvrši povrat sredstava uplaćenih na ime pretplate na časopis "Radio T9". Po pregledu uplata Kancelarija će sačiniti spisak osoba koje su izvršile uplatu, s njima stupiti u kontakt i dogovoriti način povrata sredstava.

Tačka 12. Razrješavanje pitanja vozila LADA NIVA 1700.

Izvjestitelj: Amir Jaganjac

Vozilo LADA NIVA 1700 koje se nalazi u vlasništvu ARABiH, trenutno je neregistrirano i parkirano na privatnom posjedu obitelji nekadašnjeg Sekretara ARABiH umrlog Medžida Dautovića-Kiće. Više puta je prenešena molba obitelji da se vozilo ukloni sa posjeda. Kako ARABiH, u situaciji kakva jeste, nema potrebu za ovakvim vozilom nameće se zaključak da bi najuputnije bilo vozilo prodati. Na sjednici UO u Tuzli je i donesena slična odluka. I neki članovi ARABiH, klubovi i pojedinci, izjavljivali su da bi imali potrebu za takvim vozilom.

Zaključak:

Stav UO je da vozilo treba biti prodato na način kako slijedi:

- vozilo izmjesti na lokaciju koju je ljubazno ponudio Meho Mlivo, gdje bi moglo biti javno dostupno i izloženo 15 dana.
- odmah po izmještanju vozila u dnevnim novinama oglašiti sakupljanje ponuda u zatvorenoj koverti u trajanju od 15 dana po principu "viđeno-kupljeno".
- odmah po izmještanju vozila svim članovima ARABiH pod istim uvjetima uputi poziv za dostavu ponude za kupovinu vozila, putem raspoloživih e-mail adresa i stranice www.arabih.net u zatvorenoj koverti u trajanju od 15 dana po principu "viđeno-kupljeno".
- po isteku 15-dnevnog roka odrediti datum javnog otvaranja ponuda i obznanjivanja najpovoljnijeg ponuđača.

U toku pisanja ovog Zapisnika dobio sam informaciju od g.Abdulaha Gutića da je vozilo već izmješteno iz dvorišta obitelji Dautović i da nalazi na javno dostupnom mjestu.

Tačka 13. Razrješavanje pitanja objekta "Bunker".

Izvjestitelj: Amir Jaganjac

Tzv. objekat "Bunker" u vlasništvu Asocijacije i dalje ima neriješen status. Zemljište na kojem objekat bunkera iz II svjetskog rata nalazi se na lokacije uže gradske jezgre grada Sarajeva i pretpostaviti je da ima značajnu vrijednost i može pomoću u trajnom rješavanju pitanja smještaja Asocijacije na prostoru glavnog grada bilo prodajom, zamjenom ili na drugi način.

Zaključak:

Kako je riječ o jedinom zaista vrijednom dobru u vlasništvu ARABiH, zaključeno je da odluku o prodaji, zamjeni ili nekoj drugoj transakciji može donijeti SAMO SKUPŠTINA ARABiH.. U tom smislu sačinice se relevantna informacija koja će biti objavljena na stranici Asocijacije i biti dostavljena putem e-maila članstvu Asocijacije. Cilj je da svako u svojoj sredini i/ili koristeći poznanstva sa potencijalnim kupcima ili partnerima obavi razgovore u pravcu pribavljanja ponuda koje bi se našle na dnevnom redu naredne Skupštine ARABiH. Prijedlog sadašnjeg sastava UO ARABiH na narednoj Skupštini će, u skladu sa prvom rečenicom ovog Zaključka, biti da Skupština donese zaključak da je samo ona (Skupština) ovlaštena donijeti odluku o pokretanju pravne radnje koja bi imala za posljedicu otuđenje objekta "Bunker" i da to niži nivoi uprave Asocijacije ne mogu činiti.

Tačka 14. Rad Kancelarije ARABiH.

Izvjestitelj: Amir Jaganjac

Već duže vrijeme je evidentna nemogućnost izravnog kontakta sa Kancelarijom ARABiH. Razgovori sa Sekretarom, molbe i upozorenja da je zaista nužno javiti se na telefon u slučaju poziva Predsjednika Asocijacije, na žalost, nisu imali učinka. Nekada ni višednevno pozivanje i molbe da ga kontaktiraju ljudi iz Sarajeva koji su mu bliži nije pomagalo. Aktivnost Kancelarije je i tako bila racionalizirana na 3 sata rada tokom tri dana u sedmici. Na početku je i bilo odgovora na telefonske pozive, da bi se polako prešlo na preusmjeravanje telefona, sve do konačnog ne odgovaranja ni na telefon Kancelarije ni na osobni GSM broj. Iz Kancelarije više nije bilo ni pitanja ni odgovora. Učestale su pritužbe članstva da nema načina stupiti u vezu sa Sekretarom, podići QSL karte niti zatražiti bilo kakav servis, jer u Kancelariji u radno vrijeme jednostavno nema nikoga. Zastoj i zamiranje rada Kancelarije Predsjednik Asocijacije stavlja prije svega sebi na teret i smatra sebe odgovornim za činjenicu da mjere čiju realizaciju traži nije poduzeo mnogo ranije. Tražene mjere su bile nužne za revitalizaciju rada Kancelarije i u okolnostima kakve jesu Predsjednik je ponudio ili realizaciju mjera ili sazivanje Vanredne Skupštine Asocijacije i stavljanje mandata na raspolaganje. Još jednom je podvukao da nije riječ o bilo kakvom sukobu na osobnoj ravni, nego gola nemogućnost obavljanja dužnosti koja mu je povjerena na način kako to on smatra ispravnim.

Zaključak:

- UO i NO jednoglasno zaključuje da nije potrebno sazivati Vanredu Skupštinu ARABiH sa tačkom dnevnog reda stavljanja mandata Predsjednika Asocijacije na raspolaganje.
- Usvaja se prijedlog da se Dalibor Stanić, E79D razriješi dužnosti Sekretara ARABiH i vrati na funkciju člana NO ARABiH, s obzirom na to da ga je na tu dužnost postavila Skupština Asocijacije.
- Zadužuje se Predsjednik da obavi razgovor sa direktorom JU Mješovita srednja građevinsko-geodetska škola (u daljnjem tekstu Školski centar) u čijim prostorijama se trenutno nalazi Kancelarija ARABiH i pokuša ishoditi produženje dozvole boravka Kancelarije sa ciljem da Kancelarija ipak ostane u Sarajevu, a ne seli u Zenicu na osnovu najavljenog otkaza boravka u Školskom centru.

U toku pisanja ovog Zapisnika Predsjednik Asocijacije je posjetio direktora Školskog centra i uputio molbu da se, u svrhu zadržavanja Kancelarije u Sarajevu, odobri nastavak rada Kancelarije u prostorijama Školskog centra. Ljubaznošću g.direktora i Školskog odbora molbi je udovoljeno i u pismenoj formi je produžena dozvola boravka Kancelarije u prostorijama Školskog centra do 31.08.2010. godine. Namjera direktora i školskog odbora je zainteresirati što veći broj učenika za vannastavne i tehničke aktivnosti, pa se ARABiH obavezala u toku februara mjeseca 2010.godine u prostorijama Školskog centra napraviti predavanje i izvršiti prezentaciju radioamaterske aktivnosti i do konca školske 2009./2010.godine održati tečaj za zvanje amaterskog radio-operatora za polaznike iz redova učenika Školskog centra. U tom smislu Školski centar će dati na raspolaganje odgovarajuće učionice.

- Ukoliko se pronađe mogućnost ostanka Kancelarije u Sarajevu, zadužuje se Predsjednik da obaviti razgovor sa g.Mehom Mlivom u pravcu preuzimanja funkcije koordinatora u Kancelariji

ARABiH. Ukoliko situacija bude diktirala seobu Kancelarije u Zenicu, na funkciju koordinatora imenovaće se g.Milan Kuljić. Sa izabranim koordinatom zaključiće se ugovor o djelu na naknadu u visini koja bude moguća imajući u vidu raspoloživa sredstva ARABiH.

Predsjednik je obavio razgovor sa g.Mehom Mlivom, koji je prihvatio mjesto koordinatora Kancelarije uz naknadu od 200 KM za 48-očasovno radno vrijeme u toku mjeseca.

- Funkcija Sekretara ARABiH ostaje nepopunjena i o njenom popunjavanju odlučiće Skupština i novi UO ARABiH.
- Finansijska dokumentacija ARABiH preseliće se u Zenicu i predati g.Josipu Furmanu, ovlaštenom računovođi i knjigovođi, koji će poslove finansijskog prometa i izrade izvještaja obavljati besplatno do kraja mandata sadašnjeg Predsjednika ARABiH. Kasniju lokaciju i način vođenja finansijske dokumentacije odrediće UO novog saziva.
- Formirati Komisiju za popis inventara ARABiH u sastavu: Maja Vasić-Predsjednik Komisije, Amir Jaganjac-Član i Edin Gadžo-Član. Komisija će izvršiti popis inventara ARABiH i primopredaju dužnosti između g.Dalibora Stanića i kandidata za koordinatora, kao i ključeva Kancelarije, poštanskog pregradka i pečata Asocijacije. Ista Komisija izvršiće i popis registara finansijske dokumentacije koja se predaje novom knjigovođi.
- Poštu iz P.O.Boxa 61 preuzimaće novoimenovani Koodrinator, koji će ključ boxa, u slučaju dugotrajnijeg odsustva iz Sarajeva, povjeriti Podpredsjedniku ARABiH g.Edinu Gadži. Kao lica ovlaštena za preuzimanje preporučene pošte imenuju se Koordinator i g.Edin Gadžo. O ovoj odluci obavijestiće se odjel poštanskih pregradaka i pošiljki odgovarajuće pošte PTT Sarajevo u pismenoj formi. Izmjena lica ovlaštenih za podizanje pošte sa poštanskog uložista neće remetiti proces dostave prispjelih QSL karata QSL manageru g. Borisu Knezoviću, tj.rad QSL servisa ostaje u punom kapacitetu.
- Obezbijediti separatan internet priključek za potrebe Kancelarije na lokaciji njene aktivnosti.
- U prvoj polovini januara 2010.g. UO ARABiH će na stranici www.arabih.net objaviti program rada Asocijacije za period od 01.01.2010.g. do saziva Izborne Skupštine Asocijacije u junu/julu 2010.godine, kao i program rada Kancelarije.
- Aktivnost Kancelarije utvrđuje se u Ponedjeljak,Srijedu i Petak u periodu od 10:00-14:00 sati.

S obzirom na to da su se stekli uvjeti za nastavak rada Kancelarije ARABiH u Sarajevu, očekivati je da će Kancelarija biti aktivna i raspoloživa za članstvo ponedjelikom, srijedom i petkom od 10:00 do 14:00 sati odmah nakon Novogodišnjih praznika i nakon primopredaje između g.Dalibora Stanića i g.Mehe Mlive.

Tačka 15. Razno

Formirati Komisiju za izmjene i dopune Statuta ARABiH. Prijedlog Statuta dati na javnu raspravu članstvu ARABiH uz upustvo kako i na koji način dostavljati primjedbe i prijedloge. Javnu raspravu zaključiti do 01.05.2010.godine . Komisija će do konca maja 2010. sačiniti tekst novog Statuta, koji će se dati na usvajanje Skupštini ARABiH u junu 2010.godine.

Riječ je uzeo g.Luka Makivić i upozorio na nedosljednosti prilikom dodjele znakova sa jednim slovom u sufiksu, navodeći da izvjestan broj starih radioamatera, u koje je ubrojao i sebe, nije dobio ovakav znak i da treba intervenirati kod RAK da se ovo ispravi, odnosno da se raspiše novi javni poziv na kojemu bi bilo moguće ponovno aplicirati za ovu vrstu znaka.

Zapisnik vodio

Amir Jaganjac, E75O